

76 джилд сохр бääснä хөөн

Кара-калпакск нег угатä гер-
бүлд, 76 джил урд сохр көвүн
тöрсмн. Эк-эцкнрнь көвүнä
нүднд хара орулдж ядад бää-
смн. Наснаннь ут-туршарт Рах-
ман Кузиев нарт орчлнъ үздж
чадл уга бääсмн. Бийән оч
үзүлсн эмчнр болгънь энүнд
дөнъ болдг аргъ уга гидж
тоолджасмн.

Кара-Калпакин äмтин нег
хол район—Кунградур Таш-

кентäs эмчнрин бригад нисдж
ирв. Тедн дунд эмч-окулист
Татьяна Георгиевна Ильина
бас йовла.

Гемтä нүдиг сäänär шиндж-
лдж хäläснәннь хөөн Татьяна
Георгиевна операц кех селвг
өгв.

Операц сäänär кегдäд, 76-та
Рахман Кузиев наснаннь дүрт
үн болдж нарт орчлнъ үзв.